

Broj: 03-02-454/2018
Sarajevo, 24.05.2018. godine

PARLAMENT FEDERACIJE
BOSNE I HERCEGOVINE

- Predstavnički / Zastupnički dom -
gosp. Edin Mušić, predsjedavajući

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 25-05-2018				
Organizacijska jedinica	Klasif. grupa	Broj i godina	Vrijednost	Priloga
09	02	557/18		

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa čl. 165. i 179. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izboru, prestanku mandata, ograničenju kandidature, opozivu i zamjeni gradonačelnika gradova i načelnika općina u Federaciji Bosne i Hercegovine, koji je u parlamentarnu proceduru uputio Dennis Gratz, poslanik u Predstavničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 143. sjednici, održanoj 18.05.2018. godine.**

S poštovanjem,



Prilog: kao u tekstu

Cc: Federalno ministarstvo pravde
gosp. Mato Jozić, ministar

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa čl. 165. i 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), nakon razmatranja Prijedloga zakona o izboru, prestanku mandata, ograničenju kandidature, opozivu i zamjeni gradonačelnika gradova i načelnika općina u Federaciji Bosne i Hercegovine, koji je u parlamentarnu proceduru uputio Dennis Gratz, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine je, na 143. sjednici, održanoj 18.05.2018. godine, utvrdila sljedeće

MIŠLJENJE

1. Amandmanom XVI Ustava Federacije Bosne i Hercegovine („Službene novine Federacije BiH“, broj: 13/97) je propisano da Gradsko vijeće „b) bira gradonačelnika“, te smo mišljenja da direktan izbor gradonačelnika nije u skladu sa Ustavom Federacije Bosne i Hercegovine.
2. U članu 2. Prijedloga zakona o izboru, prestanku mandata, ograničenju kandidature, opozivu i zamjeni gradonačelnika gradova i načelnika općina u Federaciji Bosne i Hercegovine nepotrebno je navoditi brojeve „Službenog glasnika BiH“ u kojem je objavljen Izborni zakon Bosne i Hercegovine kao i riječi „osim ako Ustav Bosne i Hercegovine ili Ustav Federacije Bosne i Hercegovine nisu drugačije odredili“, jer Izborni zakon Bosne i Hercegovine mora biti u skladu sa Ustavom Bosne i Hercegovine.
3. U članu 4. Prijedloga zakona o izboru, prestanku mandata, ograničenju kandidature, opozivu i zamjeni gradonačelnika gradova i načelnika općina u Federaciji Bosne i Hercegovine ograničava se mandat gradonačelnika/načelnika na dva uzastopna mandata, ali nije precizirano da li se uzastopni mandati računaju od dana stupanja na snagu zakona.
4. U članu 6. stav 2. propisano je da se gradonačelnik/načelnik bira većinom svih birača koji su glasali, i u istom članu (stav 4. i 5.) propisuju se ponovljeni izbori u slučaju da niti jedan od kandidata ne dobije potrebnu većinu. Mišljenja smo da je termin „ponovljeni izbor“ pogrešan i da treba koristiti termin „drugi krug“.
5. U članu 9. i 10. pogrešno je pozivanje na član 5. i 6. Prijedloga zakona.
6. Također, mišljenja smo da obrazloženje zakona nije urađeno u skladu sa Pravilima i postupcima za izradu zakona i drugih propisa Federacije Bosne i Hercegovine („Službene novine Federacije BiH“, broj: 71/14), jer nisu navedeni razlozi donošenja zakona niti su obrazložena pojedina pravna rješenja

V. broj: 678/2018
18.05.2018. godine
Sarajevo



PREMIJER

Fadil Novalić